

» Qua me ascolta soli cittadini: ogn'uno me doni la confidenza  
 » de parlarghe, come se el fosse un solo. No parlo al Mazor Con-  
 » seggio unito; parlo al Mazor Conseggio diviso; parlo a uno a uno;  
 » a ogni cittadin. Vorle regolazion del lusso, dei costumi, del mini-  
 » stero? La Signoria versi; la versa; l'ha proposto. La parte ze  
 » bona, se le vol che la sia bona; no la conclude, se no le vol che  
 » la concluda. I articoli de questa dipende, ze vero, dalle leggi; ma  
 » più che dalle leggi, i dipende da chi le forma, e da chi le veri-  
 » fica. Se elle, se mi seguitarò a condurme colla legge dell' amor  
 » proprio, se farò pompa de lusso, se offenderò el costume, sarà bone  
 » le leggi, ma le sarà inani. Queste le resterà inutili, e vegnerà de-  
 » bilitada l' autorità del Mazor Conseggio. Vederò allora nella loro  
 » inesequizion le mancanze non delle leggi, ma dei omeni, che ha  
 » composto ste leggi. All' incontro se in elle seguirà, se seguirà in  
 » mi sta felice regolazion, benedetto el Mazor Conseggio, che averà  
 » comandà, benedetta la serenissima Signoria, che averà proposto;  
 » ma più benedetti nù, che avemo eseguido. Voler un bon ministe-  
 » ro? Le impari a far ben i magistrati, a regger le provincie, a far  
 » el so dover, e le vederà allora levà e distrutto el scandalo nel mi-  
 » nistero. Le se lagna, ch' el ministero abusa delle leggi, fa quel  
 » ch' el vol? Le se accusa elle stesse; el lo fa perchè el sa, che el giu-  
 » dice ghe ne sa manco de lu, e manco de lu el ghe tende. Quando  
 » i ministri saverà, che el giudice ze informà, i ministri sarà servi;  
 » ma, quando el sa, che el giudice ze ignorante, diventa i ministri  
 » padroni; tanto più, che i giudici in una total inscienza, avendo bi-  
 » sogno dell' ajuto del ministero, i lo coltiva; e se el fa quel, che  
 » el vol, bisogna, che i dissimula, perchè non manchi l' instru-  
 » zion al magistrato. Se così parlo, ghe domando novamente per-  
 » don, ghe l' ho ditto avanti: ho parlà con ognuno de elle, non con  
 » tutte elle.

» Conchiudo, che la Parte della serenissima Signoria ze oppor-  
 » tuna alle presenti circostanze, concorde, se non alle altre, alla pri-  
 » ma azion, perchè nelle altre l' ha cambià anche forma de parlar.